

## Mga Tuntunin sa Paggamit ng Adobe Developer

Huling na-update noong Agosto 22, 2023.

### 1. Ang Iyong Kasunduan sa Adobe.

1.1 Ang Mga Tuntunin sa Paggamit ng Adobe Developer na ito (ang **"Mga Tuntunin"** na ito) ay isang legal na kasunduan sa pagitan mo (**"ikaw, ka, mo,"** o **"iyo"**) at ng entity ng Adobe na nakasaad sa seksiyon 1.2 (**"Adobe," "kami," "namin,"** o **"amin"**) na namamahala sa iyong paggamit sa (A) mga Adobe developer site na makikita sa <https://developer.adobe.com> (kasama na ang Developer Console sa <https://developer.adobe.com/console/home>), (B) Adobe Exchange site at producer portal na makikita sa <https://exchange.adobe.com>, (C) Developer Mode ng Adobe Express Add-on Marketplace, at (D) anumang Mga Developer Tool (inilalarawan sa seksiyon 2) na gagawin naming available sa iyo. Papalitan ng Mga Tuntuning ito ang lahat ng naunang bersiyon ng Mga Tuntunin (kasama na ang mga naunang bersiyon ng Mga Tuntunin sa Paggamit ng Developer, Kasunduan sa Adobe Exchange, at Mga Karagdagang Tuntunin ng Adobe Developer) sa kabuuan ng mga ito.

1.2 Kung nakatira ka sa North America (kasama na ang United States, Canada, Mexico, mga teritoryo at pag-aari ng United States, at mga base militar ng United States nasaan man ito), ang iyong relasyon ay sa Adobe Inc., na isang korporasyon sa Delaware, at ang Mga Tuntuning ito ay pinamamahalaan ng mga batas sa California, U.S.A., maliban kung pangungunahan ng pederal na batas ng U.S., nang hindi isinasaalang-alang ang mga panuntunan sa salungatan ng batas. Kung nakatira ka sa labas ng North America, ang iyong relasyon ay sa Adobe Systems Software Ireland Limited, at ang Mga Tuntuning ito ay pinamamahalaan ng mga batas sa Ireland. Para sa mga customer sa Australia, ang Adobe Systems Software Ireland Limited ay kumikilos bilang awtorisadong ahente ng Adobe Systems Pty Ltd. at pumapasok sa kontratang ito sa kapasidad nito bilang ahente para sa Adobe Systems Pty Ltd. Posibleng mayroon kang mga karagdagang karapatan sa ilalim ng iyong mga lokal na batas. Hindi namin nilalayong limitahan ang mga karapatang iyon kapag ipinagbabawal ng batas na gawin iyon.

1.3 Kung isa kang Admin (inilalarawan sa seksiyon 2), o kaya naman ay ginagamit mo ang Mga Developer Tool sa ngalan ng isang Negosyo (inilalarawan seksiyon 2), ang ibig sabihin ng **"ikaw"** ay ikaw (sa iyong personal na kapasidad) kasama ng iyong Negosyo, at isinasaad at pinatutunayan mo na ikaw (sa iyong personal na kapasidad) ay mayroon ng lahat ng kailangang awtoridad para ipailalim ang Negosyong iyon sa Mga Tuntuning ito.

1.4 Ang paggamit ng ilang partikular na alok ng Adobe, kasama na ang Mga Serbisyo ng Adobe at Adobe Software, ay napapailalim sa Mga Tuntunin at isang hiwalay na kasunduan sa pagitan mo at namin.

1.5 Inilalarawan ng Patakaran sa Privacy ng Adobe ([https://www.adobe.com/go/privacy\\_ph](https://www.adobe.com/go/privacy_ph)) ang mga kasanayan sa privacy ng Mga Serbisyo ng Adobe at Adobe Software.

### 2. Mga Kahulugan.

2.1 Ang ibig sabihin ng **"Admin"** ay isang administrator na namamahala sa Mga Serbisyo ng Adobe at Adobe Software para sa mga Business User sa iyong Negosyo na gumagamit sa Admin Console at/o Developer Console.

2.2 Ang ibig sabihin ng **"Admin Console"** ay ang user interface ng pangangasiwa ng program na nagbibigay-daan sa mga Admin na pamahalaan ang Mga Serbisyo ng Adobe at Adobe Software ng kanilang Negosyo.

2.3 Ang ibig sabihin ng **"Adobe Exchange"** ay ang application marketplace at producer portal na makikita sa <https://exchange.adobe.com> (o sa pamalit na URL).

2.4 Ang ibig sabihin ng **"Adobe Express"** ay ang online at mobile design application na makikita sa <https://express.adobe.com> (at ang lahat ng kaugnay na subdomain, kasama na ang <https://new.express.adobe.com>).

2.5 Ang ibig sabihin ng **"Adobe Express Add-on Marketplace"** ay ang extensibility platform na available sa Adobe Express, na nagbibigay-daan sa Mga Developer na gumawa at mamahagi ng Developer Software sa mga End User o para sa panloob na paggamit.

2.6 Ang ibig sabihin ng **"Adobe ID"** ay ang natatanging username, password, at impormasyon sa profile na ginagamit mo para gumawa ng developer account at para mag-sign in at i-access ang Mga Developer Tool.

- 2.7 Ang ibig sabihin ng **"Mga Serbisyo ng Adobe"** ay ang aming website, mga web-based na application at produkto, suporta sa customer, mga forum ng talakayan, o iba pang interactive na lugar o serbisyo, at mga serbisyo gaya ng Creative Cloud at Mga Developer Tool.
- 2.8 Ang ibig sabihin ng **"Adobe Sign-in UI"** ay ang natatanging button graphic at hiwalay na template ng interface ng screen para sa pag-sign in na ginawa naming available at kinakailangan para ipakita sa isang user interface bilang visual prompt para mapadali o masimulan ang pag-log in sa Mga Serbisyo ng Adobe.
- 2.9 Ang ibig sabihin ng **"Adobe Software"** ay software na isinasama namin bilang bahagi ng Mga Serbisyo ng Adobe, pati na rin ang anumang application (kasama na ang mga mobile application), Mga Developer Tool, Sample na File, at Content File, script, set ng tagubilin, at kaugnay na dokumentasyon.
- 2.10 Ang ibig sabihin ng **"(Mga) Likha sa Adobe Stock"** ay ang mga litrato, illustration, image, vector, video, 3D asset, template asset, at iba pang larawan o graphic na likhang puwedeng lisensyahan sa pamamagitan ng mga serbisyo ng Adobe Stock sa stock.adobe.com (o sa pamalit na URL), o kaya naman ay natukoy bilang mga asset ng Adobe Stock.
- 2.11 Ang ibig sabihin ng **"Mga Trademark ng Adobe"** Adobe Sign-in UI; Badge; Mga Feature Icon; trademark, pangalan, logo, at icon ng Adobe sa Mga Alituntunin sa Branding; at anupamang trademark na hayagan naming ibinibigay sa iyo para sa layuning i-promote ang availability ng iyong naaprubahang Developer Software.
- 2.12 Ang ibig sabihin ng **"API"** ay mga application programming interface.
- 2.13 Ang ibig sabihin ng **"API Key"** ay ang kredensiyal sa pag-access ng API na itinalaga sa iyong Developer Software at naka-link sa Adobe ID mo, na ginagamit namin para iugnay, i-validate, at i-authenticate ang iyong aktibidad sa API at Developer Software.
- 2.14 Ang ibig sabihin ng **"Mga Badge"** ay ang mga trademark (kasama na ang mga logo), icon, at text na tinutukoy bilang "badge" sa Mga Alituntunin sa Branding.
- 2.15 Ang ibig sabihin ng **"Mga Alituntunin sa Branding"** ay anumang tagubilin o alituntunin na puwede naming i-publish o ibigay sa iyo kaugnay ng iyong paggamit sa Mga Trademark ng Adobe, kasama na ang mga alituntuning available sa: [https://www.adobe.com/go/trademarks\\_ph](https://www.adobe.com/go/trademarks_ph) (o sa pamalit na URL).
- 2.16 Ang ibig sabihin ng **"Negosyo"** ay isang organisasyon o grupo, kasama na ang, pero hindi limitado, sa isang negosyo o anupamang komersiyal na entity, entity ng gobyerno, non-profit na organisasyon, o institusyong pang-edukasyon.
- 2.17 Ang ibig sabihin ng **"Business User"** ay ikaw, kung natanggap mo ang karapatang gumamit, mag-access, at kumonsumo ng Adobe Software at Mga Serbisyo ng Adobe mula sa isang Negosyo sa ilalim ng isa sa mga business plan ng Adobe (gaya ng Creative Cloud for Teams, Creative Cloud for Enterprise, o Document Cloud).
- 2.18 Ang ibig sabihin ng **"Kumpidensiyal na Impormasyon,"** nakasulat man, pasalita, graphic, o electronic, ay: (A) anumang impormasyong minarkahan ng Adobe bilang "kumpidensiyal" o pasalitang itinalaga ng Adobe bilang kumpidensiyal sa oras ng paghahayag; (B) ang Mga Prerelease Developer Tool, kasama na ang pag-iral ng mga ito, mga feature at functionality, trade secret, source code, at anupamang kaugnay na impormasyon, minarkahan mang kumpidensiyal o hindi; (C) database ng bug ng Adobe; (D) mga talakayan tungkol sa mga potensiyal na feature at/o pagbabago sa produkto; (E) Feedback at mga opinyong nagmula sa Feedback; (F) mga opinyong nagmula sa anumang lupon ng mga tagapayong customer na pinangasiwaan namin; (G) anumang API na hindi isinadokumento sa publiko kung kailan ka binigyan ng access sa mga ito; at (H) anumang likhang hango sa mga nabanggit. Hindi kasama sa "Kumpidensiyal na Impormasyon" ang impormasyong (1) pangkalahatang available sa publiko o magiging pangkalahatang available sa publiko sa oras ng paghahayag o pagkatapos nito na hindi dahil sa iyong pagkakamali; (2) alam mo na, at hindi napapatawan ng anumang obligasyon para gawing kumpidensiyal, bago namin ito inihayag; (3) napag-alaman mo, at hindi napapatawan ng anumang obligasyon para gawing kumpidensiyal, mula sa isang source maliban sa amin; (4) kailangan para ma-publish ang Developer Software, kasama na ang mismong Developer Software; o (5) hiwalay mong na-develop nang hindi gumagamit ng Kumpidensiyal na Impormasyon.

2.19 Ang ibig sabihin ng **"Mga Content File"** ay mga asset ng Adobe na ibinigay bilang bahagi ng Mga Serbisyo ng Adobe at Adobe Software.

2.20 Ang ibig sabihin ng **"Developer Console"** ay ang console na makikita sa:  
<https://developer.adobe.com/console/home> (o sa pamalit na URL).

2.21 Ang ibig sabihin ng **"Developer Mode"** ay isang setting na nagbibigay-daan sa Mga Developer na i-access ang Mga Developer Tool na available sa Adobe Express para gumawa, sumubok, mag-deploy, at mag-publish ng Developer Software.

2.22 Ang ibig sabihin ng **"Developer Software"** ay anumang software application, program, add-on, extension, plug-in, at iba pang teknolohiyang na-develop mo at nilalayong i-access, paganahin o patakbukin kasabay ng, o magdagdag ng mga feature o functionality sa Adobe Software o Mga Serbisyo ng Adobe.

2.23 Ang ibig sabihin ng **"Mga Developer Tool"** ay Adobe Software o Mga Serbisyo ng Adobe na ibinigay namin sa iyo para sa layunin ng pag-access, pagpapatakbo kasabay ng, o pagdaragdag ng functionality sa iba pang Adobe Software o Mga Serbisyo ng Adobe. Posibleng kasama sa Mga Developer Tool, nang walang limitasyon, ang (A) software development kit ("**SDK**") mga file, tool, program, at utility; (B) mga plug-in o iba pang API; (C) mga API Key; (D) mga header o Java Archive (JAR) file; (E) mga sample na image, tunog, o katulad na asset; (F) Sample na Code; (G) kaugnay na dokumentasyon, mga teknikal na detalye, tala, at materyales na nagpapaliwanag; (H) iba pang item sa pag-develop at nauugnay o may kinalamang materyales na ibinigay namin sa iyo; at (I) mga pagbabago, update, upgrade, o kopya ng alinman sa mga nabanggit na item. Kasama rin sa "Mga Developer Tool" ang "Mga Prerelease na Developer Tool" maliban kung may ibang hayagang isinasaad.

2.24 Ang ibig sabihin ng **"Data ng Paggamit ng Developer"** ay data na kinokolekta ng Adobe tungkol sa iyong pakikipag-ugnayan at may kinalaman sa iyong paggamit sa Mga Developer Tool, Mga Serbisyo ng Adobe, Adobe Software, mga Adobe developer site na makikita sa <https://developer.adobe.com> (kasama na ang Developer Console) at sa <https://exchange.adobe.com> (Adobe Exchange).

2.25 Ang ibig sabihin ng **"End Use"** ay nakasaad sa seksiyon 4.1(B).

2.26 Ang ibig sabihin ng **"End User"** ay isang customer na bumibili o gumagamit sa iyong Developer Software.

2.27 Ang ibig sabihin ng **"mga Feature Icon"** ay ang mga graphic icon na ginawa naming available at kinakailangang ipakita sa isang user interface para tukuyin sa natatanging paraan ang ilang hiwalay na feature, component, o function sa pagpoproseso ng Adobe Software o Mga Serbisyo ng Adobe.

2.28 Ang ibig sabihin ng **"Feedback"** ay mga ideya, ulat ng bug o pag-crash, suhestiyon, mungkahi, at iba pang impormasyon o materyal na ibinigay mo sa amin kaugnay ng iyong pag-access, paggamit, at pagsusuri sa Mga Prerelease na Developer Tool o Mga Developer Tool, kasama ng lahat ng nauugnay na Karapatan sa Intelektuwal na Ari-arian.

2.29 Ang ibig sabihin ng **"mga Karapatan sa Intelektuwal na Ari-arian"** ay mga copyright, karapatang moral, trademark, trade dress, patent, trade secret, di-patas na kompetisyon, karapatan sa privacy, karapatan sa publisidad, at anupamang karapatan sa pagmamay-ari.

2.30 Ang ibig sabihin ng **"Processor ng Pagbabayad"** ay nakasaad sa seksiyon 7.3.

2.31 Ang ibig sabihin ng **"Mga Prerelease na Developer Tool"** ay mga prerelease na bersiyon ng Mga Developer Tool.

2.32 Ang ibig sabihin ng **"Pinaghihigpitang Bansa"** ay nakasaad sa seksiyon 6.17.

2.33 Ang ibig sabihin ng **"Sample na Code"** ay object code o source code, hindi kasama ang mga Sample na File, na isinama namin para mailagay mo sa iyong Developer Software alinsunod sa Mga Tuntuning ito.

2.34 Ang ibig sabihin ng **"Mga Sample na File"** ay audio, visual, video, o iba pang content file na ibinigay ng Adobe at magagamit sa mga tutorial, demonstrasyon, at para sa iba pang pag-test, na puwedeng tukuyin bilang mga sample na file.

2.35 Ang ibig sabihin ng “**Mga Alituntunin sa Pagsusumite**” ay ang aming mga kasalukuyang alituntunin sa pag-apruba at mga karaniwang patakaran para sa angkop na marketplace na makikita sa <https://developer.adobe.com/developer-distribution/creative-cloud/docs/guides/submission/overview> (o sa pamalit na URL) para sa Adobe Exchange at <https://developer.adobe.com/express-add-ons/docs/guides/distribute> (o sa pamalit na URL) para sa Adobe Express Add-on Marketplace.

2.36 Ang ibig sabihin ng “**Panahon ng Pag-test**” ay ang yugto ng panahon mula kung kailan ginawang available sa iyo ang Mga Prerelease na Developer Tool hanggang sa petsa ng unang komersiyal na release ng Mga Prerelease na Developer Tool o isang petsang ipinaalam namin sa iyo, alinman ang mas maaga.

### 3. Mga Kredensiyal ng Developer.

3.1 **Ang Iyong Account.** Maliban kung hayagan naming pinahihintulutan, dapat kang gumawa ng Adobe ID at online na developer account profile para makuha at magamit ang Mga Developer Tool at makagawa ng Developer Software. Dapat mong panatilihin ang iyong account profile gamit ang kasalukuyang impormasyon ng account (kasama na ang kasalukuyang impormasyon sa pakikipag-ugnayan) sa lahat ng oras. May responsibilidad ka para sa lahat ng aktibidad na mangyayari gamit ang iyong account kahit na hindi ikaw ang gagawa ng aktibidad o gagawin ito nang hindi mo alam o walang pahintulot mo. Pakisabihan kaagad ang customer support ng Adobe kung may malaman kang anumang di-awtorisadong paggamit sa iyong account. Hindi mo puwedeng (A) ibahagi ang impormasyon ng iyong account (maliban sa awtorisadong administrator ng account), sinadya man o di-sinasadya; o (B) gamitin ang account ng ibang tao. Puwedeng gamitin ng administrator ng iyong account ang impormasyon ng account mo para pamahalaan ang iyong paggamit at pag-access sa Mga Developer Tool. I-access mo ang Mga Developer Tool sa paraang kinakailangan namin at sa paraang tulad ng inilalarawan sa angkop na dokumentasyon. Kapag gumagamit ng mga API, hindi mo puwedeng ipakita sa maling paraan o itago ang pagkakakilanlan mo o ng iyong API client.

3.2 **API Key.** Kung nangangailangan ng API Key ang isang API, dapat kang kumuha ng hiwalay na API Key para sa bawat Developer Software. Hangga't hindi namin inaaprubahan ang iyong Developer Software para sa pamamahagi, puwede mo lang gamitin ang API Key para sa pag-develop at pag-test ng Developer Software at hindi ito maaaring gamitin kaugnay ng anumang Developer Software na ginawang available sa mga End User.

3.3 **Data ng Paggamit ng Developer.** Sang-ayon ka na maaari kaming mangolekta ng Data ng Paggamit ng Developer na nauugnay sa iyong Adobe ID at online na developer account profile para mapanatili ang seguridad, masubaybayan ang performance, at mapaganda ang kalidad ng serbisyo. Bukod pa rito, sang-ayon ka na maaari naming subaybayan at kolektahin ang Data ng Paggamit ng Developer, kasama na ang personal na impormasyon, para sa aming mga layunin sa pananaliksik, pagbuo ng produkto, at pagpapaganda ng produkto. Sang-ayon ka na maaari naming ilipat ang iyong personal na impormasyon sa mga pambansang hangganan at itabi at iproseso ang nasabing impormasyon sa alinman sa mga bansa kung saan kami may tanggapan o ang aming mga ahente. Kung ayaw mong masubaybayan ang iyong paggamit, ang tanging opsiyon mo ay ihinto ang paggamit ng Mga Developer Tool, mga Adobe developer site na makikita sa <https://developer.adobe.com> (kasama na ang Developer Console sa <https://developer.adobe.com/console/home>), at sa <https://exchange.adobe.com/> (Adobe Exchange).

### 4. Mga Lisensya.

#### 4.1 Lisensya sa Iyo.

(A) Nagbibigay kami sa iyo ng lisensyang limitado, di-eksklusibo, di-maaaring i-sublicense, di-naililipat, at nababawi para (1) gamitin at i-reproduce ang Mga Developer Tool para sa pag-develop at pag-test ng iyong Developer Software; at (2) alinsunod sa mga karapatan sa pag-apruba sa seksiyon 5 (Pamamahagi ng Developer Software), ipamahagi ang Mga Developer Tool (o mga bahagi nito) nang tanging sa at kasama ng iyong naaprubahang Developer Software sa anyong object code lang. Ang nabanggit na pagbibigay ng lisensya ay hindi para sa Mga Prerelease na Developer Tool; tingnan ang seksiyon 9 (Mga Prerelease na Developer Tool) para sa mga tuntuning namamahala sa iyong paggamit ng Mga Prerelease na Developer Tool.

(B) Maliban kung iba ang nakasaad sa dokumentasyon o mga partikular na lisensya (kasama na ang, pero hindi limitado sa, Mga Karagdagang Tuntunin), binibigyan ka namin ng lisensyang limitado, di-eksklusibo, di-maaaring i-

sublicense, di-naililipat, at nababawi para gamitin ang Mga Content File sa paggawa ng iyong end use (ibig sabihin, ang hinangong application o produktong ginawa mo) kung saan naka-embed ang Mga Content File, o mga hinangong rito, para sa iyong paggamit ("End Use"). Maaari mong baguhin ang Mga Content File bago i-embed ang mga ito sa End Use. Maaari mo lang i-reproduce at ipamahagi ang Mga Content File kung may kinalaman sa iyong End Use, gayunman, sa anumang pagkakataon, hindi mo puwedeng ipamahagi ang Mga Content File nang walang ibang kasama, nang hindi saklaw ng End Use.

**4.2 Lisensya sa Adobe.** Kung pipiliin mong isumite sa amin ang iyong Developer Software, binibigyan mo kami ng lisensyang pandaigdigang, di-eksklusibo, walang royalty, at bayad nang buo para (A) subukan, i-reproduce, at kaya naman ay gamitin ang iyong Developer Software para maaprubahang ipamahagi; at (B) ipakita sa publiko, baguhin, i-sublicense, at ipamahagi ang iyong Developer Software sa mga End User sa pamamagitan ng Adobe Exchange o iba pang channel na inaprubahan namin.

**4.3 Pagmamay-ari.** Ang mga Developer Tool at mga Likha sa Adobe Stock ay mga intelektuwal na ari-arian namin at ng aming mga supplier, at pinoprotektahan ng batas ng United States (kasama na ang copyright, trademark, trade secret, at batas sa patent sa United States), mga probisyon ng internasyonal na kasunduan, at mga angkop na batas ng bansa kung saan ginagamit ang mga ito. Kami at ang aming mga supplier ay nagpapanatili ng titulo at pagmamay-ari sa mga item na ito, sa media kung saan nakarekord ang mga ito, at sa lahat ng kasunod na kopya, kahit ano pa ang anyo o media kung saan posibleng nakalagay ang orihinal at iba pang kopya. Nakalaan sa amin ang lahat ng karapatang hindi hayagang ibinibigay sa Mga Tuntuning ito. Sang-ayon kang panatilihin at i-reproduce nang buo ang anumang paunawa sa copyright ng Adobe o iba pang paunawa o disclaimer sa pagmamay-ari sa lahat ng kopya ng Mga Developer Tool, o ng anumang bahagi nito.

**4.4 Mga Pagbabago.** Maaari naming baguhin, i-update, o ihinto ang Mga Developer Tool anumang oras nang walang abiso o pananagutan sa iyo o kahit kanino, at kung patuloy mong ia-access o gagamitin ang Mga Developer Tool, ibig sabihin, tinatanggap mo ang nasabing update o pagbabago. May responsibilidad ka para sa agarang pagpapatupad sa pinakabagong bersiyon ng nasabing Mga Developer Tool na ikaw ang gagastos at magbabayad pagkatapos i-release ang anumang update o pagbabago sa anumang Mga Developer Tool.

**4.5 Mga Third-Party na Tuntunin.** Ang Mga Developer Tool ay maaaring maglaman ng third-party na software (gaya ng libre o open-source na software) at maaaring mapailalim sa mga karagdagang tuntunin at kundisyon na makikita sa hiwalay na kasunduan sa lisensya; isang "ReadMe" file; isang "License" file; o sa "Mga Abiso at/o Mga Karagdagang Tuntunin at Kundisyon para sa Third Party na Software" na makikita sa [http://www.adobe.com/go/thirdparty\\_ph](http://www.adobe.com/go/thirdparty_ph) (na sama-samang tinutukoy bilang "**Mga Tuntunin sa Third-Party na Lisensya**"). Maaaring hilingin sa iyo ng Mga Tuntunin sa Third-Party na Lisensya na ipasa ang mga abiso sa iyong mga End User at kokontrolin nito kung may salungatan sa pagitan ng Mga Tuntuning ito at ng nasabing Mga Tuntunin sa Third-Party na Lisensya.

**4.6 Mga Sample na File.** Hindi maaaring gamitin ang Mga Sample na File sa anumang layunin bukod sa kung para saan ibinigay ang mga ito. Hindi ka maaaring mamahagi ng Mga Sample na File sa anumang paraan na magbibigay-daan sa isang third party na gamitin, i-download, i-extract, o i-access ang Mga Sample na File bilang walang kasamang file, at hindi ka maaaring maghabol ng anumang karapatan sa Mga Sample na File.

## **5. Pamamahagi ng Developer Software.**

**5.1 Pag-apruba ng Adobe.** Maaari naming paghigpitan ang pamamahagi ng anumang Developer Software (o pag-access ng Developer Software sa Adobe Software at Mga Serbisyo ng Adobe) na hindi namin inaprubahan. Bilang bahagi ng proseso ng pag-apruba, maaari naming suriin ang Developer Software (A) para sa pagsunod sa Mga Tuntuning ito, (B) para sa pagsunod sa angkop na Mga Alituntunin sa Pagsusumite, at (C) para matukoy ang mga isyu hinggil sa seguridad, privacy, at mahinang performance na maaaring makaapekto sa amin o sa aming mga user. Maaari rin kaming mangailangan ng muling pag-apruba para sa anumang pagbabago sa Developer Software, kasama na ang mga pag-aayos ng bug, update, upgrade, at bagong release. Maaari naming bawiin ang pag-apruba para sa anumang Developer Software anumang oras nang may anumang dahilan, kasama na ang hindi pagsunod sa Mga Tuntuning ito. Kung babawiin namin ang pag-apruba para sa anumang Developer Software, dapat mong ihinto ang pamamahagi ng Developer Software at pag-access sa Adobe Software at Mga Serbisyo ng Adobe sa

pamamagitan ng nasabing Developer Software sa loob ng sampung araw mula nang matanggap ang abiso tungkol sa nasabing pagbawi.

**5.2 Mga Channel ng Pamamahagi.** Maaari naming iatas sa iyo na ipamahagi lang ang inapubahang Developer Software sa pamamagitan ng Adobe Exchange, Adobe Express Add-on Marketplace, o iba pang channel na inapubahan namin.

## **6. Mga Kinakailangan at Paghihigpit.**

**6.1 Bawal Baguhin o I-reverse Engineer.** Maliban kung hayagang pinahihintulutan sa Mga Tuntuning ito, hindi mo maaaring (A) baguhin, i-port, iakma, o isalin ang anumang bahagi ng anumang Developer Tool; o (B) i-reverse engineer (kasama na ang, pero hindi limitado sa, pagsubaybay o pag-track sa mga input at output na dumadaloy sa isang system o isang application para gayahin ang system na iyon), i-decompile, i-disassemble, o kaya naman ay subukang tuklasin, sa loob ng anumang Developer Tool, ang mga representasyon ng data o mga pinagbabatayang algorithm, proseso, pamamaraan, at source code ng anumang bahagi ng anumang Adobe Software at Mga Serbisyo ng Adobe (kasama na ang Mga Developer Tool) na hindi ibinigay sa iyo sa anyo ng source code. Kung ang mga batas sa iyong hurisdiksyon ay nagbibigay sa iyo ng karapatang mag-decompile ng Developer Tool para makuha ang impormasyong kailangan upang paganahin ang mga lisensyadong bahagi ng Developer Tool kasabay ng iba pang software, maaari mo lang itong gawin pagkatapos mong hilingin sa amin ang nasabing impormasyon, at maaari kaming magpataw ng mga makatwirang kundisyon, pati na ng makatwirang fee, sa nasabing paggamit sa source code paratipyaking napoprotektahan ang mga karapatan namin at ng aming mga supplier sa source code ng Developer Tool at natutugunan ang aming mga obligasyon.

**6.2 Bawal Manghimasok.** Maliban kung hayagan naming pinapahinulutan, hindi ka maaaring gumawa ng Developer Software na (A) nagtatanggal o kaya naman ay nagtatago ng anumang screen o page na "Tungkol Dito" o "Impormasyon" ng Adobe sa anumang Serbisyo ng Adobe o Adobe Software; o (B) nagpapababa, negatibong nakakaapekto, o kaya naman ay negatibong nakakasagabal sa functionality o hitsura ng anumang Mga Serbisyo ng Adobe o Adobe Software. Hindi mo rin maaaring gamitin ang Mga Developer Tool para gumawa ng Developer Software na nagbibigay-daan sa panghihimasok o pagbabago ng default na wika ng anumang Serbisyo ng Adobe o Adobe Software.

**6.3 Bawal I-unbundle.** Ang Mga Developer Tool ay maaaring (A) may kasamang iba't ibang application, utility, at component; (B) puwede sa maraming platform at wika; o (C) ibigay sa iyo sa maraming media o nang may maraming kopya. Hindi mo maaaring i-unbundle o i-repackage ang mga component na bahagi ng, o ang alinman sa iyong mga karapatan sa, anumang Developer Tool para sa pamamahagi, paglilipat, o muling pagbebenta.

**6.4 Malware.** Hindi ka maaaring magsama ng anumang nakakahamak o nakakapinsalang code, virus, Trojan Horse, worm, time bomb, cancelbot, o iba pang malware sa iyong Developer Software nang alam, sinasadya, o dahil sa kapabayaan mo.

**6.5 Mga Kontrol sa Kalakalan.** Ang iyong paggamit ng Developer Software ay napapailalim sa mga kontrol sa pag-export ng U.S. Susunod ka sa lahat ng paghihigpit ng U.S. at iba pang paghihigpit sa pag-import, pag-export, at muling pag-export na sumasaklaw sa iyong paggamit ng Developer Software, kasama na ang US Export Administration Regulations. Dagdag pa rito, isinasaad at pinatutunayan mo na hindi ka nakalista sa anumang listahan ng mga parusa na inisyu ng United States, European Union, o United Kingdom, o kaya naman ay napapailalim sa mga parusa, at hindi ka mamamayan ng, o wala ka sa, isang naembargong teritoryo (sa kasalukuyan, Cuba, Iran, North Korea, Syria, Crimea Region ng Ukraine, o ang tinatawag na Donetsk People's Republic o Luhansk People's Republic).

**6.6 Viral na Open-Source Software.** Hindi mo maaaring i-integrate, gamitin, ipamahagi, o kaya naman ay isama ang Mga Developer Tool sa iba pang software sa paraan kung saan ang Mga Developer Tool o anumang Mga Serbisyo o Software ng Adobe ay kailangang: (A) ihayag o ipamahagi sa anyo ng source code; (B) lisensyahan para sa layunin ng paggawa ng mga hinangong likha; o (C) muling ipamahagi nang walang bayad, na karaniwang nangyayari kaugnay ng, pero hindi limitado sa, software na lisensyado sa ilalim ng GNU General Public License

(GPL), GNU Affero General Public License (AGPL), GNU Lesser General Public License (LGPL), o iba pang open-source na lisensya.

**6.7 Mga Limitasyon sa Paggamit.** Maliban kung napagkasunduan sa isang hiwalay na kasunduan, maaari naming limitahan ang iyong paggamit sa Mga Developer Tool sa aming sariling pagpapasya, gaya ng paglilimita sa uri ng mga tawag na tinatanggap ng isang API o paglilimita sa bilang ng pagtawag sa isang API. Hindi mo maaaring subukang iwasan ang mga nasabing limitasyon at dapat mong kunin ang aming hayagang nakasulat na pahintulot na gamitin ang Mga Developer Tool nang lampas sa mga nasabing limitasyon.

**6.8 Bawal I-sublicense.** Hindi mo maaaring (A) i-sublicense ang Mga Developer Tool para sa paggamit ng isang third party o (B) ibenta, parentahan, paupahan, ipahiram, o kaya naman ay ibigay sa anumang third party ang anumang karapatan sa Mga Developer Tool.

**6.9 Katulad na Functionality.** Hindi ka maaaring gumawa ng Developer Software na hindi nagdaragdag ng makabuluhang functionality o mga feature na higit sa isang Developer Tool o isang API na ibinibigay sa iyo ng Adobe.

**6.10 Data ng End User.** Kung nangongolekta, gumagamit, o nagpoproseso ka ng personal na impormasyon sa pamamagitan ng iyong Developer Software, dapat kang: (A) sumunod sa lahat ng angkop na batas at regulasyon sa privacy; (B) mag-post ng paunawa sa privacy na madaling maa-access ng mga End User sa iyong listing sa Adobe Exchange (o iba pang channel na inaprubahan namin) at mula sa iyong Developer Software kung saan malinaw mong inilalarawan ang iyong mga kasanayan sa pagkolekta, paggamit, at pagpoproseso ng personal na impormasyon ng End User, kasama na ang anumang pagbabahagi sa mga third party; (C) magbigay-galang sa privacy ng iyong mga End User at sumunod sa iyong mga pangako sa paunawa sa privacy; at (D) agad na mag-delete ng anumang content o iba pang impormasyon ng End User, kasama na ang mga token, kapag hiniling ng End User na iyon o namin o kapag isinara ng End User na iyon ang angkop na account sa iyo.

**6.11 Muling pagtukoy sa pagkakakilanlan.** Hindi mo dapat subukang muling tukuyin ang pagkakakilanlan ng isang likas na tao o kaya naman ay kumuha ng personal na impormasyon sa pamamagitan ng anumang pag-link, pagsasama, o paghahambing ng data na nakuha mo gamit ang iyong Developer Software sa data mula sa mga third-party na source.

**6.12 Bawal I-block ang Pag-develop ng Adobe.** Maaari kaming mag-develop, kumuha, maglisensya, magpanatili, o mamahagi ng mga teknolohiya o produkto, ngayon o sa hinaharap, na may disenyo o functionality na katulad o maikukumpara sa iyong Developer Software at wala sa Mga Tuntuning ito ang naglilimita sa aming karapatang gawin ito. Sang-ayon ka na hindi mo igigiit ang anumang Karapatan sa Intelektuwal na Ari-arian na sumasaklaw sa iyong Developer Software laban sa amin, sa aming mga subsidiary o affiliate, o sa mga customer, ahente, o kontratista namin o nila para sa paggawa, paggamit, pag-import, paglilisensya, pagbebenta, o pag-aalok na ibenta ang anumang Adobe Software, Mga Serbisyo ng Adobe, o iba pang produkto o teknolohiya.

**6.13 Suporta.** Tanging ikaw ang may responsibilidad para sa pagbibigay ng suporta sa mga End User ng iyong Developer Software.

**6.14 Pagsunod.** Dapat kang sumunod sa lahat ng angkop na batas at regulasyon at hindi mo maaaring gamitin ang Mga Developer Tool para hikayatin o isulong ang ilegal na aktibidad o labagin ang mga third-party na karapatan, kasama na ang, pero hindi limitado sa, paggawa ng Developer Software na lumalabag sa anumang batas, regulasyon, o mga karapatan ng iba kapag ginamit tulad ng nilalayon o kung paano ito mina-market.

**6.15 Kasunduan sa Lisensya ng End User.** Dapat mong isama sa iyong Developer Software ang sarili mong kasunduan sa lisensya ng end user. Ang iyong kasunduan sa lisensya ng end user ay hindi maaaring maglamang ng mga probisyong hindi naaayon sa Mga Tuntuning ito.

**6.16 Machine Learning at Artificial Intelligence.** Hindi mo gagamitin, at hindi mo papayagang gamitin ng mga third party, ang Mga Serbisyo ng Adobe o Adobe Software (o anumang content, data, output, o iba pang impormasyong natanggap o nakuha mula sa Mga Serbisyo ng Adobe o Adobe Software) para direkta o hindi direktang gumawa, magsanay, mag-test, o kaya naman ay magpahusay ng anumang machine learning algorithm o



artificial intelligence system, kasama na ang anumang architecture, model, o weight, o para sa anumang teknolohiyang idinisenyo o nilayon para sa pagkilala ng mga likas na tao.

**6.17 Mga Limitasyon sa Serbisyong Panrehiyon.** Maliban kung ang paggamit sa isang Pinaghihigpitang Bansa ay partikular na awtorisado ng Adobe, hindi ka pinahihintulatang gumamit ng anumang Mga Developer Tool sa anumang Pinaghihigpitang Bansa o bigyang-daan ang mga user sa isang Pinaghihigpitang Bansa na gamitin ang Developer Software. Ang ibig sabihin ng "**Pinaghihigpitang Bansa**" ay mainland China, Russia, at anupamang bansa kung saan ang pag-access o paggamit ay pinaghihigpitan ng mga lokal na batas o kaya naman ay pinaghihigpitan alinsunod sa seksiyon 6.5 (Mga Kontrol sa Kalakalan).

## **7. Mga Bayarin, Bahagi ng Kita, at Pagpoproseso ng Bayad.**

**7.1 Mga Bayaring Sinisingil Namin.** Maaari kaming magtakda ng mga presyo o maningil ng bayad para sa paggamit ng anumang feature, component, o function sa pagpoproseso na ibinibigay o pinagagana sa pamamagitan ng Mga Developer Tool.

**7.2 Mga Bayaring Kami ang Nagbabayad.** Kung nag-aalok kami ng bahagi ng kita para sa pagbebenta ng iyong Developer Software sa pamamagitan ng Adobe Exchange o iba pang channel na inaprubahan namin, babayaran ka namin ayon sa angkop na seksiyon sa Mga Tuntuning ito at mga patakaran sa pagbabayad para sa nasabing channel. Maaari naming baguhin ang aming mga patakaran sa pagbabayad anumang oras, at may responsibilidad ka para tingnan ang mga ito nang regular kung may mga update. Sa pagpapatuloy na isumite ang Developer Software sa amin o sa hindi pagtanggap sa Developer Software, ibig sabihin, sang-ayon ka sa anumang binagong patakaran sa pagbabayad. Maaari mong italaga ang iyong Developer Software bilang libreng software, trial software, o test software, kung saan maaari naming ipamahagi ang Developer Software nang walang ipinapataw na pananagutan o bayad sa iyo. Maliban sa nakasaad sa Mga Tuntuning ito, wala kaming obligasyong magbayad sa iyo.

**7.3 Mga Processor ng Pagbabayad.** Kami o ikaw ay maaaring gumamit ng mga third-party na processor ng pagbabayad (kung saan "**Processor ng Pagbabayad**" ang bawat isa) para padaliin ang pagbabayad sa iyo na nagmumula sa mga benta ng iyong Developer Software. Puwedeng hilingin sa iyo ng isang Processor ng Pagbabayad na magbigay ng karagdagang impormasyon o direktang pumasok sa hiwalay na kasunduan sa kanila para magamit ang kanilang mga serbisyo. Sa ilang partikular na sitwasyon, maaaring hilingin ng Adobe na gumamit ng partikular na Processor ng Pagbabayad. Maliban kung inaprubahan nang nakasulat ng Adobe, sang-ayon ka na ang anumang pagpoproseso ng pagbabayad gamit ang Processor ng Pagbabayad ay dapat mangyari sa labas ng angkop na Software o Serbisyo ng Adobe. Tinatanggap at sinasang-ayunan mo na wala kaming pananagutan dahil sa anumang pagkaantala o pagkakamali sa mga pagbabayad, o kaya naman ay dahil sa anumang paggamit ng Processor ng Pagbabayad, at sang-ayon kang lutasin ang anumang hindi pagkakaunawaang may kinalaman sa pagpoproseso o pagbabayad ng mga bayarin nang direkta sa nasabing Processor ng Pagbabayad. Bukod pa rito, maaari kaming magbahagi ng impormasyon tungkol sa iyo sa Processor ng Pagbabayad at iba pang third-party na service provider kung kailangan para magamit mo ang Mga Developer Tool. Wala kaming access o kontrol sa mga aksiyong puwedeng gawin ng isang third party, at ang mga kasanayan sa pangangasiwa ng impormasyon ng mga third-party na website ay hindi saklaw ng Patakaran sa Privacy ng Adobe, Mga Tuntuning ito, o anupamang angkop na tuntunin at kundisyon sa pagitan mo at namin.

**7.4 Mga Buwis at Third-Party na Bayarin.** Dapat kang magbayad, at hindi wala kaming responsibilidad sa pagbabayad ng anumang angkop na buwis at third-party na bayarin (gaya ng mga singil sa toll sa telepono, bayarin sa mobile carrier, singil sa ISP, singil sa data plan, bayarin sa credit card, o bayarin sa foreign exchange) na natamo kaugnay ng paglilisensya ng iyong Developer Software sa pamamagitan ng Adobe Exchange o iba pang channel na inaprubahan namin. Kung may anumang bayaring sinisingil sa amin, puwede kaming gumawa ng mga hakbang para kolektahin ang mga bayaring iyon mula sa iyo, at may responsibilidad ka para sa lahat ng kaugnay na gastos na koleksiyon at gastusing natamo namin.

## **8. Mga Trademark.**

**8.1 Lisensya sa Trademark ng Adobe.**



(A) Binibigyan ka namin ng lisensyang limitado, di-eksklusibo, di-naililipat, at nababawi para gamitin ang Mga Trademark ng Adobe sa iyong Developer Software, sa iyong website, at sa mga naka-print at electronic na komunikasyon para lang isaad na ang iyong inaprubahang Developer Software ay nagbibigay ng koneksiyon, gumagana, o compatible sa Mga Serbisyo ng Adobe o Adobe Software, o available sa pamamagitan ng Adobe Exchange o iba pang channel na inaprubahan namin, hangga't ang iyong paggamit sa Mga Trademark ng Adobe ay nakakasunod sa Mga Tuntuning ito, Mga Alituntunin sa Branding, at anupamang angkop na alituntunin o paghihigpit na ibinibigay namin. Maaari naming baguhin o i-update ang aming Mga Alituntunin sa Branding anumang oras, at dapat kang manatiling sumusunod sa napapanahong bersiyon ng aming Mga Alituntunin sa Branding sa lahat ng pagkakataon.

(B) Hindi ka binibigyan sa Mga Tuntuning ito ng mga karapatang gumamit ng anumang trademark maliban sa Mga Trademark ng Adobe at hindi ito nagbibigay sa iyo ng anumang karapatan, titulo, o interes sa anumang Trademark ng Adobe maliban sa hayagang nakasaad sa Mga Tuntuning ito. Kinikilala mo ang aming pagmamay-ari sa Mga Trademark ng Adobe, tinatanggap ang halaga ng kabutihang-loob na nauugnay sa Mga Trademark ng Adobe, at kinikilala na ang nasabing kabutihang-loob ay eksklusibong nalalapat para sa kapakinabangan at pagmamay-ari namin. Sang-ayon ka na huwag gamitin ang Mga Trademark ng Adobe sa anumang paraang hahamak sa amin o sa anumang Mga Serbisyo ng Adobe o Adobe Software, makakapinsala o makakagambala sa kabutihang-loob sa Mga Trademark ng Adobe, labag sa aming Mga Karapatan sa Intelektuwal na Ari-arian, o gagawa ng mali o mapanlinlang na pahayag hinggil sa iyong Developer Software.

## **8.2 Mga Paghihigpit sa Trademark ng Adobe.**

(A) Sang-ayon kang gagamitin mo lang ang Mga Trademark ng Adobe kung may kinalaman sa Developer Software na (1) sumusunod sa Mga Tuntuning ito, (2) nakaayon sa anumang pamantayan sa kalidad na itinakda namin, at (3) sumusunod sa lahat ng angkop na batas para sa hurisdiksyon kung saan ginawa o ginagamit ang Developer Software. Kung hihilingin, dapat mong ipaalam sa amin ang lahat ng lokasyon kung saan mo ginagamit ang Mga Trademark ng Adobe, bigyan kami ng mga kinatawang sample ng nasabing paggamit, at dapat kang tumulong at sumunod sa pagsubaybay at pagpapanatili ng kalidad at anyo ng Mga Trademark ng Adobe. Pagkabigay ng abiso, dapat mong ihinto ang anumang paggamit sa Mga Trademark ng Adobe na matutukoy namin, sa sarili naming pagpapasya, na salungat sa layunin ng pagbibigay ng lisensya sa trademark sa itaas. Tanging ikaw ang may responsibilidad para sa anumang gastos na nauugnay sa pagtanggap o pagbago sa iyong paggamit sa Mga Trademark ng Adobe tulad ng hinihiling namin.

(B) Maaari mo lang gamitin ang mga Badge para i-market at i-promote ang iyong Developer Software. Hindi mo maaaring gamitin ang mga Badge sa user interface ng iyong Developer Software.

(C) Kung tumutukoy, nagsisimula, o nangangasiwa ng pag-log in sa Mga Serbisyo ng Adobe ang iyong Developer Software, kinakailangan mong gamitin ang Adobe Sign-in UI sa user interface ng iyong Developer Software. Kung tumutukoy ang iyong Developer Software ng mga hiwalay na feature, component, o function sa pagpoproseso ng Serbisyo ng Adobe o Adobe Software, kinakailangan mong gamitin ang mga Feature Icon sa user interface ng iyong Developer Software. Hindi mo maaaring gamitin ang Adobe Sign-in UI o mga Feature Icon para i-market o i-promote ang iyong Developer Software o sa anumang paraan bukod sa inilalarawan sa Mga Tuntuning ito, sa Mga Alituntunin sa Branding, at anupamang angkop na alituntunin o paghihigpit na ibinibigay namin sa iyo.

(D) Alinsunod sa Mga Alituntunin sa Branding, hindi ka maaaring gumamit ng anumang Trademark ng Adobe, word o logo mark ng Adobe, anumang pangalan ng produkto ng Adobe, o anumang katulad na pangalan o disenyo, sa kabuuan, sa ilang bahagi nito, o sa anumang pinaikling anyo, sa pangalan o icon ng produkto ng iyong Developer Software, o magparehistro o maghangad na magparehistro ng domain name o trademark ng website na naglalaman o may nakakalitong pagkakatulad sa alinman sa nabanggit.

**8.3 Mga Trademark ng Developer.** Binibigyan mo kami ng lisensyang di-eksklusibo, di-maaaring i-sublicense, walang royalty, at pandaigdigang lisensya para i-reproduce at gamitin ang iyong pangalan, mga trademark, service mark, trade name, logo, at iba pang marka at naglalarawang materyales para tukuyin ka o ang iyong Developer Software sa publiko para sa layunin ng pag-advertise at pag-promote ng Mga Serbisyo ng Adobe, Adobe Software, at

Developer Software mo, kasama na ang mga listing ng iyong Developer Software sa pamamagitan ng Adobe Exchange o iba pang channel na inaprubahan namin.

## **9. Mga Prerelease na Developer Tool.**

**9.1 Lisensya sa Pagsusuri.** Sakaling gawing available ang Mga Prerelease na Developer Tool, bibigyan ka namin ng lisensyang limitado, di-eksklusibo, di-naililipat, at walang royalty para gamitin ang Mga Prerelease na Developer Tool sa Panahon ng Pag-test para sa layunin ng pagsusuri sa Mga Prerelease na Developer Tool at pagbibigay sa amin ng Feedback.

## **9.2 Mga Karagdagang Kinakailangan at Paghihigpit para sa Mga Prerelease na Developer Tool.**

(A) **Ipinagbabawal na Output.** Hindi mo maaaring gamitin sa publiko ang Mga Prerelease na Developer Tool, kasama nang walang limitasyon ang pamamahagi, pagpapakita o paglalahad sa publiko, o pagbanggit sa publiko sa Mga Prerelease na Developer Tool. Hindi ka maaaring magbahagi ng mga screenshot ng anumang user interface ng Prerelease na Developer Tool o magbanggit ng mga pangalan ng anumang Prerelease na Developer Tool maliban kung hayagang pinahihintulutan ng Adobe.

(B) **Mga Partikular na Limitasyon sa mga Font.** Kung may anumang font na nakalista sa: [https://www.adobe.com/go/restricted\\_fonts\\_ph](https://www.adobe.com/go/restricted_fonts_ph) (o sa pamalit na URL) na kasama sa Mga Prerelease na Developer Tool, maaari mo lang gamitin ang font kung may kinalaman sa Prerelease na Developer Tool. Hindi mo maaaring kopyahin, ilipat, i-activate, o gamitin (o payagan ang anumang tool sa pamamahala ng font na kopyahin, ilipat, i-activate, o gamitin) ang alinman sa mga nasabing font sa anumang software application, program, o file bukod sa Mga Prerelease na Developer Tool.

**9.3 Feedback.** Sang-ayon kang magbigay ng Feedback sa amin sa Panahon ng Pag-test, na puwedeng ibigay sa amin nang pangkalahatan. Binibigyan mo kami ng lisensyang pandaigdigang, panghabambuhay, di-mababawi, maaaring i-sublicense, naililipat, walang royalty, at bayad nang buo para gumawa, gumamit, magbenta, magpagawa, mag-alok na magbenta, mag-import, mag-export, mag-reproduce, mamahagi, magbago, magsagawa sa publiko, magpakita sa publiko, mag-sublicense, at gumawa ng mga likhang hinango sa Feedback. Isinasaad at pinatutunayan mo na nasa iyo ang lahat ng karapatang kailangan para ibigay ang Feedback sa amin. Wala kaming obligasyong isama, gamitin, o kaya naman ay kilalanin ang anumang Feedback na ibibigay mo.

## **10. Kumpidensiyal na Impormasyon.**

**10.1 Hindi Paghahayag.** Sang-ayon kang mahigpit na pangasiwaan ang Kumpidensiyal na Impormasyon at hindi ito ihayag sa sinupamang partido maliban sa iyong mga empleyado at awtorisadong kinatawan na kailangang malaman ang Kumpidensiyal na Impormasyon at napapailalim sa mga obligasyon sa pagiging kumpidensiyal na kahit kasinghihigpit lang ng mga probisyon ng pagiging kumpidensiyal ng Mga Tuntuning ito bago magkaroon ng access sa Kumpidensiyal na Impormasyon. May responsibilidad ka para sa anumang paglabag sa probisyon ng pagiging kumpidensiyal na ito ng sinuman sa iyong mga kinatawan. Maliban kung hayagang pinahihintulutan sa Mga Tuntuning ito, hindi ka maaaring magbago, gumawa ng iba pang likha mula sa, mag-reverse engineer, o mag-disassemble ng anumang software program na ibinigay o inihayag bilang Kumpidensiyal na Impormasyon nang wala ang aming paunang nakasulat na pahintulot. Sang-ayon ka na pangangasiwaan mo ang Kumpidensiyal na Impormasyon nang may parehong antas ng pangangalaga tulad ng pangangasiwa mo sa sarili mong kumpidensiyal at di-pampublikong materyales pero hindi nang walang sapat na makatwirang pangangalaga. Ihihinto mo agad ang paggamit at ibabalik o sisirain mo ang lahat ng tangible na Kumpidensiyal na Impormasyon kapag hiniling, kasama na ang anumang kopya, maliban kung may ibang iniaatas sa batas. Maaari kang maghayag ng Kumpidensiyal na Impormasyon (A) ayon sa naaprubahan sa isang sulat na nilagdaan namin o (B) kung kailangan para makatugon sa isang may bisang utos ng hukuman o iba pang lupon ng pamahalaan, ayon sa iniaatas ng batas, o kung kailangan para maitakda ang mga karapatan ng alinmang partido, sa kundisyon na aabisuhan mo kami kaagad kapag natanggap mo ang utos ng paghahayag at hihiling ka ng kumpidensiyal na pangangasiwa sa anumang apektadong Kumpidensiyal na Impormasyon. Kung may anumang di-pagkakatatugma sa pagitan ng seksiyong ito at ng anumang kasalukuyang obligasyon sa hindi paghahayag o pagiging kumpidensiyal na mayroon ka na sa amin, ang mga kasalukuyang obligasyon ang mangingibabaw.

10.2 **Mga Prerelease na Developer Tool.** Maliban kung may ibang napagkasunduan, ang iyong mga obligasyong protektahan ang pagiging kumpidensiyal ng anumang Prerelease na Developer Tool ay magwawakas sa unang pangkalahatang available na komersiyal na release ng mga nasabing Prerelease na Developer Tool. Gayunman, sa kabila ng alinman sa nabanggit, ang anumang prerelease login identifier, password, at API Key ay nakalaan lang para magamit mo at hindi maaaring ibahagi kahit kanino.

#### 11. Ang Iyong Mga Obligasyon sa Warranty at Pagbabayad-danyos.

11.1 **Ang iyong mga Warranty.** Sa pagpiling gamitin ang Mga Developer Tool, isinasaad at pinatutunayan mo na (A) nasa iyo ang lahat ng kailangang lisensya, karapatan, at pahintulot na gamitin ang lahat ng content na lumalabas o kasama sa iyong Developer Software at ibigay ang mga lisensya sa Mga Tuntuning ito; at (B) hindi lumalabag ang Developer Software sa alinman sa mga Karapatan sa Intelektuwal na Ari-arian namin o ng isang third party.

11.2 **Pagbabayad-danyos.** Magbabayad ka ng danyos sa amin at sa aming mga subsidiary, affiliate, officer, ahente, empleyado, kasosyo, at tagapaglisensya mula sa anumang paghahabol, demanda, pagkawala, o pinsala, kasama na ang mga makatwirang bayad sa abogado, na nagmumula sa o nauugnay sa (A) anumang paglabag mo sa Mga Tuntuning ito, kasama na ang anumang paglabag o ipinaparatang na paglabag sa anumang isinaad at pinatunayan mo hinggil sa anumang aspekto ng Developer Software; (B) iyong paggamit sa Mga Developer Tool; (C) anumang ipinaparatang o aktuwal na paglabag sa iyong mga obligasyon sa privacy sa anumang third party; (D) anumang paghahabol ng End User kaugnay ng Developer Software, kasama na ang, pero hindi limitado sa anumang paratang batay sa paghahabol ng pananagutan para sa isang produkto; at (E) anumang paghahabol kaugnay ng iyong kasunduan o kaugnayan sa isang End User. May karapatan kaming kontrolin ang pagtatanggol sa anumang paghahabol, pagkilos, o usapin na napapailalim sa iyong pagbabayad-danyos nang may patnubay ng abogado ng pipiliin namin, at lubos kang makikipagtulungan sa amin sa pagtatanggol sa anumang paghahabol, pagkilos, o usapin.

12. **Mga Disclaimer ng mga Warranty.** Ang Mga Developer Tool ay ibinibigay nang "GANOON MISMO" at hanggang sa sukdulang pinahihintulutan ng batas, itinatanggi namin ang lahat ng warranty na nauugnay rito, hayagan man o ipinahiwatig, kasama na ang mga ipinahiwatig na warranty na hindi labag, maaaring ikalakal, at akma para sa isang partikular na layunin. Hindi kami gumagawa ng mga pangako tungkol sa performance ng Mga Developer Tool at itinatanggi rin namin ang anumang warranty na (A) matutugunan ng Mga Developer Tool ang iyong mga kinakailangan o patuloy itong magiging available, walang patid, napapanahon, secure, o walang error; (B) magiging epektibo, tumpak, o maaasahan ang mga resultang makukuha mula sa paggamit ng Mga Developer Tool; (C) matutugunan ng kalidad ng Mga Developer Tool ang iyong mga inaasahan; o (D) maiwawasto ang anumang error o depekto sa Mga Developer Tool. Partikular naming itinatanggi ang lahat ng pananagutan para sa anumang aksiyong magreresulta mula sa iyong paggamit sa Mga Developer Tool. Puwede mong gamitin at i-access ang Mga Developer Tool sa iyong sariling pagpapasya at panganib, at tanging ikaw ang may responsibilidad para sa anumang pinsala sa iyong computer system o pagkawala ng data na magreresulta mula sa paggamit at pag-access sa Serbisyo o Mga Developer Tool. Maaari naming i-update ang Mga Developer Tool, kasama na ang anumang API, paminsan-minsan. Maaaring hindi compatible ang mga kasunod na bersiyon ng Mga Developer Tool sa Developer Software na made-develop gamit ang mga dating bersiyon ng Mga Developer Tool.

13. **Limitasyon ng Pananagutan.** Maliban kung nakasaad sa Mga Tuntuning ito, wala kaming pananagutan sa iyo para sa anumang espesyal, di-sadya, di-direkta, kinahinatnan, moral, huwaran, o parusang pinsala o anupaman, kahit ano pa ang dahilan, kasama na ang mga pagkawala at pinsala na (A) nagreresulta mula sa pagkawala ng paggamit, data, reputasyon, kita, o tubo; (B) batay sa anumang teorya ng pananagutan, kasama na ang paglabag sa kontrata o warranty, kapabayaan, o iba pang maling aksiyon; o (C) nagmumula o may kinalaman sa iyong paggamit o pag-access sa Mga Developer Tool. Ang aming buong pananagutan sa anumang usaping nagmumula o nauugnay sa Mga Tuntuning ito ay limitado sa mas malaki sa (A) US \$100; o (B) pinagsama-samang halaga na binayaran mo sa Adobe para sa pag-access sa Mga Developer Tool sa loob ng tatlong buwang panahon bago ang pangyayaring sanhi ng pananagutan.

#### 14. Pagwawakas at Pagtatanggal.

14.1 **Pagwawakas na Ikaw ang Gagawa.** Maaari mong wakasan ang iyong paggamit ng Mga Developer Tool o ang iyong access sa Mga Serbisyo ng Adobe o Adobe Software sa pamamagitan ng iyong Developer Software anumang oras. Ang pagwawakas ay hindi mag-aalis sa iyo ng anumang obligasyong umiiral na bago ang pagwawakas, kasama na ang obligasyong magbayad ng anumang natitirang bayarin.

14.2 **Pagwawakas na Kami ang Gagawa.** Maaari naming wakasan ang iyong mga karapatan sa ilalim ng Mga Tuntuning ito, tanggihan ang paggamit sa Mga Developer Tool o pag-access sa Mga Serbisyo ng Adobe o Adobe Software sa pamamagitan ng iyong Developer Software, o bawiin ang anumang nakatalagang API Key, anumang oras at nang may anumang dahilan. Kaugnay ng Mga Prerelease na Developer Tool, ang iyong mga karapatan sa ilalim ng Mga Tuntuning ito ay magwawakas nang mas maaga sa (A) pagtatapos ng Panahon ng Pag-test o (B) kapag nakatanggap ng nakasulat na paunawa mula sa amin.

14.3 **Epekto ng Pagwawakas.** Sa pagwawakas, dapat mong agad na (A) ihinto ang pamamahagi ng iyong Developer Software; (B) ihinto ang paggamit ng Mga Developer Tool at Mga Trademark ng Adobe; (C) ihinto ang pag-access sa Mga Serbisyo ng Adobe, Adobe Software, at Mga Likha sa Adobe Stock sa pamamagitan ng iyong Developer Software; (D) ihinto ang compatibility sa advertising sa anumang Serbisyo ng Adobe o Adobe Software; at (E) ihinto ang paggamit at ibalik o sirain ang lahat ng Kumpidensiyal na Impormasyon, kasama na ang anumang bersiyon ng Mga Prerelease na Developer Tool, na nasa iyong pag-aari.

14.4 **Pagpapatuloy.** Ang lahat ng talata na ayon sa katangian ng mga ito ay dapat magpapatuloy sa kabila ng pagwawakas ng Mga Tuntuning ito ay magpapatuloy sa kabila ng nasabing pagwawakas. Bukod pa rito, nang hindi nililimitahan ang pagiging pangkalahatan ng naunang pangungusap, ang seksiyon 1 (Ang Iyong Kasunduan sa Adobe), 2 (Mga Kahulugan), 4.3 (Pagmamay-ari), 4.5 (Mga Third-Party na Tuntunin), 6 (Mga Kinakailangan at Paghihigpit), 11 (Ang Iyong Mga Obligasyon sa Warranty at Pagbabayad-danyos), 12 (Disclaimer ng Warranty), 13 (Limitasyon ng Pananagutan), 14.3 (Epekto ng Pagwawakas), 15 (Pangkalahatan), at 17.10 (Epekto ng Pagwawakas sa mga Likha sa Adobe Stock) ay magpapatuloy sa kabila ng pagwawakas ng Mga Tuntuning ito.

## 15. Pangkalahatan.

15.1 **Walang Ahensiya.** Wala sa Mga Tuntuning ito ang gumagawa ng ugnayang katiwala, ahensiya, joint venture, empleyado/employer, pagsososyo, o trust sa pagitan mo at namin. Hindi natin maaaring ipailalim ang isa't isa sa anumang paraan.

15.2 **Ingles na Bersiyon.** Ang Ingles na bersiyon ng Mga Tuntuning ito ang bersiyong gagamitin kapag binibigyang-kahulugan o ipinapaliwanag ang Mga Tuntuning ito.

15.3 **Hindi Pagtatalaga.** Hindi mo maaaring italaga o kaya naman ay ilipat ang Mga Tuntuning ito o ang iyong mga karapatan at obligasyon sa ilalim ng Mga Tuntuning ito, sa kabuuan o sa ilang bahagi, nang wala kaming nakasulat na pahintulot, at mawawalan ng bisa ang anumang katulad na pagtatangka. Maaari naming ilipat ang aming mga karapatan sa ilalim ng Mga Tuntuning ito sa isang third party.

15.4 **Mga Heading.** Ang mga heading na ginagamit sa Mga Tuntuning ito ay ibinibigay para lang sa kaginhawahan at hindi gagamitin para magpaliwanag ng kahulugan o layunin.

15.5 **Pagkakahiwalay.** Kung ang anumang probisyon ng Mga Tuntuning ito ay hindi wasto o hindi maipatutupad sa anumang dahilan, ang natitirang bahagi ng Mga Tuntuning ito ay magpapatuloy nang may buong puwersa at bisa.

15.6 **Walang Pagsusuko.** Ang aming pagpalyang ipatupad o gamitin ang anumang probisyon ng Mga Tuntuning ito ay hindi pagsusuko ng probisyong iyon.

15.7 **Mga Remedyo.** Sa kabila ng anumang iba pang probisyon ng Mga Tuntuning ito, ang paglabag mo sa Mga Tuntuning ito ay maaaring magdulot sa amin ng hindi na maitutuwid na pinsala kung saan hindi sapat ang pagkuha ng perang danyos, at may karapatan kaming humingi ng napapanahong lunas na pampigil para maprotektahan ang aming mga karapatan sa ilalim ng Mga Tuntuning ito nang hindi nagbibigay ng bono bukod pa sa paghahanap ng anuman at lahat ng remedyo na makukuha ayon sa batas. Kung gagawa ng anumang legal na aksiyon para maipatupad ang Mga Tuntuning ito, ang nangingibabaw na partido ay may karapatang matanggap ang mga bayad

sa abogado, gastos sa korte, at iba pang gastos sa pagkolekta nito, bukod sa anupamang lunas na puwede nitong matanggap.

**15.8 Buong Kasunduan at Panginigibabaw.** Maliban sa anumang angkop na tuntunin mula sa Mga Pangkalahatang Tuntunin ng Paggamit ng Adobe ([https://www.adobe.com/go/terms\\_ph](https://www.adobe.com/go/terms_ph)) o sa iyong enterprise agreement sa Adobe (<https://www.adobe.com/legal/terms/enterprise-licensing/overview.html>), ang Mga Tuntuning ito ang bumubuo sa buong kasunduan sa pagitan ng mga partido tungkol sa paksa nito at pumapalit sa lahat ng nauna o kasabay na kasunduan, pagkakaunawaan, at komunikasyon, nakasulat man o pasalita. Kung may anumang hindi pagkakatatugma o salungatan sa pagitan ng Mga Tuntuning ito at anupamang kasunduang mayroon ka sa Adobe, maliban kung tahasang nakasaad sa nasabing iba pang kasunduan, ang Mga Tuntuning ito ang manginigibabaw.

## **16. Mga Karagdagang Tuntunin para sa Adobe InDesign SDK at API**

**16.1** Puwede kang mag-compile ng Sample na Code sa InDesign SDK at API na may natatanging plug-in ID. Kung namamahagi ka ng mga binago o pinagsamang bersiyon ng Sample na Code, dapat mong palitan ang anumang plug-in ID na kasama sa anumang Sample na Code ng isang natatanging plug-in ID na partikular sa iyo. Ang mga tagubilin para sa paghiling ng natatanging plug-in ID ay makikita sa [https://developer.adobe.com/developer-distribution/creative-cloud/docs/guides/plugin\\_id](https://developer.adobe.com/developer-distribution/creative-cloud/docs/guides/plugin_id) (o sa pamalit na URL).

**16.2** Ang mga API sa InDesign Server SDK para sa World Ready Composer ay ginawa para sa panloob na pag-develop ng software na idinisenyo para gumana sa InDesign Server. Hindi namin sinusuportahan ang panloob na pag-develop ng software na idinisenyo para gumana sa InDesign at/o InCopy gamit ang mga World Ready Composer API.

## **17. Mga Karagdagang Tuntunin para sa Adobe Stock SDK at API**

### **17.1 Mga Kahulugan.**

(A) Ang ibig sabihin ng “**(Mga) Affiliate Partner ng Adobe Stock**” ay ang mga third party na kasali sa isang affiliate, referral, o katulad na partner program para sa pag-promote ng Adobe Stock sa ilalim ng hiwalay na nakasulat na kasunduan sa amin.

(B) Ang ibig sabihin ng “**(Mga) Serbisyo sa Pamamahala ng Asset**” ay mga solusyon, na direktang dine-deploy ng mga customer ng Adobe Stock o sa pamamagitan ng mga third party na serbisyo, na nagbibigay-daan sa mga user na maghanap at maglisensya ng Mga Likha sa Adobe Stock, pati na rin ayusin, piliin, at panatilihin ang mga talaang nauugnay sa Mga Likha sa Adobe Stock, kasama na ang sistematikong pagkonekta ng mga lisensyadong Likha sa Adobe Stock sa mga panloob na platform ng customer (hal., digital asset management at content management system).

(C) Ang ibig sabihin ng “**(Mga) Platform sa Marketing**” ay ang mga produkto at serbisyong nagsasama ng Mga Likha sa Adobe Stock sa mga tool sa paggawa ng content, gaya ng mga website at ad builder, email, marketing ng content, at social media, para mag-promote o magbenta ng mga third party na produkto o serbisyo.

(D) Ang ibig sabihin ng “**Print-on-Demand**” ay isang serbisyong nagbibigay sa Mga End User ng kakayahang gumamit ng Mga Likha sa Adobe Stock para lang gumawa ng naka-customize na (1) naka-print na materyales na nakalaan para sa layuning pang-marketing at pampromosyon ng Mga End User; at (2) mga unit ng mga tangible na produkto na nakalaan para ibenta sa isang End User.

(E) Ang ibig sabihin ng “**(Mga) Integration sa Third Party na Software**” ay mga digital na produkto o serbisyo na gumagamit sa mga Adobe Stock SDK o API para isama ang access sa Mga Likha sa Adobe Stock sa mga custom na application.

**17.2 Mga Serbisyo sa Pag-log In, Paghahanap, at Lisensya.** Kung ang iyong Developer Software ay para sa Mga Serbisyo sa Pamamahala ng Asset, Print-on-Demand, Mga Integration sa Software Third Party, o Mga Platform ng Marketing, maaari mong gamitin ang mga Adobe Stock SDK at API para lang bigyang-daan ang mga customer ng

Adobe na: (A) mag-log in sa angkop na account ng customer sa Adobe Stock sa pamamagitan ng iyong Developer Software, kung kukuha ka muna ng hayagang pahintulot mula sa customer ng Adobe na i-access ang account ng angkop na customer; at (B) naka-log in sa Adobe Stock sa pamamagitan ng iyong Developer Software para maghanap at maglisensya ng Mga Likha sa Adobe Stock sa ilalim ng kasunduan ng customer sa amin.

**17.3 Mga Affiliate Partner.** Kung ang iyong Developer Software ay para sa Mga Affiliate Partner ng Adobe Stock, maaari mong gamitin ang mga Adobe Stock SDK at API at Mga Likha sa Adobe Stock para lang i-promote ang Adobe Stock, alinsunod sa hiwalay na nakasulat na kasunduan ng Affiliate Partner ng Adobe Stock sa amin.

**17.4 Paggamit ng Mga Likha sa Adobe Stock.**

(A) Ang aumang paggamit ng Mga Likha sa Adobe Stock ay nangangailangan ng iyong hiwalay na kasunduan sa Adobe. Kung bibigyan ka namin ng access sa Mga Likha sa Adobe Stock, maaari mong gamitin ang mga ito para lang mag-develop at mag-deploy ng Developer Software para sa Mga Affiliate Partner ng Adobe Stock, Mga Serbisyo sa Pamamahala ng Asset, Mga Platform ng Marketing, Print-on-Demand, at Mga Integration sa Software ng Third Party. Ang Mga Likha sa Adobe Stock ay hindi maaaring kopyahin, ipamahagi, baguhin, o ipakita maliban sa pinahihintulutan ng Mga Tuntuning ito. Hindi mo maaaring payagang ma-download ang anumang Likha sa Adobe Stock mula sa iyong Developer Software bilang walang kasamang file, maliban kung lisensyado sa End User ng Adobe Stock. Kung ang iyong Developer Software ay para sa Mga Serbisyo sa Pamamahala ng Asset, Mga Platform ng Marketing, Print-on-Demand, o Mga Integration sa Third-Party na Software, maaari mong payagan ang mga third party na tingnan ang mga watermark o thumbnail na bersiyon ng Mga Likha sa Adobe Stock na hindi pa nalilisensyahan.

(B) Dapat mong siguruhing ang pangalan ng contributor ay makikita sa o nasa tabi ng bawat Likha sa Adobe Stock na ipinapakita sa iyong Developer Software sa sumusunod na format: "Pangalan ng Contributor / Adobe Stock."

(C) Hindi ka dapat gumawa ng anumang aksiyon kaugnay ng Likha sa Adobe Stock na lumalabag sa Mga Karapatan sa Intelektuwal na Ari-arian o iba pang karapatan ng sinumang tao o entity, gaya ng mga karapatang moral ng gumawa ng Likha sa Adobe Stock at mga karapatan ng sinumang tao, o sinumang taong may ari-arian, na lumalabas sa Likha sa Adobe Stock.

(D) Hindi ka dapat magparehistro, o mag-apply para magparehistro, ng trademark, design mark, tradename, logo, o service mark na gumagamit ng Likha sa Adobe Stock (sa kabuuan o sa ilang bahagi) o maghabol ng mga karapatan sa pagmamay-ari sa pagtatangkang pigilan ang anumang third party na gamitin ang Likha sa Adobe Stock.

(E) Hindi mo dapat gamitin ang Likha sa Adobe Stock sa paraang pornograpiko, mapanirang-puri, o kaya naman ay labag sa batas.

(F) Hindi mo dapat gamitin ang Likha sa Adobe Stock sa paraang nagpapakita ng mga modelo o ari-arian kaugnay ng isang paksa na puwedeng ituring ng isang makatwirang tao na hindi kaaya-aya, imoral, o kontrobersiyal, kung isasaalang-alang ang katangian ng Likha sa Adobe Stock.

(G) Hindi mo dapat alisin, itago, o baguhin ang anumang abiso sa pagmamay-ari na nauugnay sa Mga Likha sa Adobe Stock, at hindi ka dapat magbigay ng anumang hayagan o ipinahiwatig na maling representasyon na ikaw o ang isa pang third party ang gumawa o may hawak ng copyright ng anumang Likha sa Adobe Stock.

(H) Hindi mo dapat ipakita o ibunyag sa mga user ng iyong website ang anumang data ng pag-download (hal., bilang ng pag-download) o petsa ng pag-upload ng Mga Likha sa Adobe Stock.

**17.5 Mga Editoriyal na Likha sa Adobe Stock.** Kung ang iyong Developer Software ay para sa (A) Mga Serbisyo sa Pamamahala ng Asset, Mga Platform ng Marketing, Print-on-Demand, o Mga Integration sa Third Party na Software na hindi nakatanggap ng hayagang nakasulat na pahintulot mula sa Adobe, hindi mo maaaring i-access, gamitin, o ipakita ang anumang Likha sa Adobe Stock na may "editorial" sa pangalan ng file o metadata; o (B) Mga Serbisyo sa Pamamahala ng Asset o awtorisadong Integration sa Third Party na Software, dapat mong siguruhing naka-display

ang "Editorial Use Only (Para Lang sa Editoryal na Paggamit)" nang kitang-kita sa tabi ng anumang Likha sa Adobe Stock na may "editorial" sa pangalan ng file o metadata.

**17.6 Credit at Disclaimer.** Ang iyong Developer Software ay malinaw at kapansin-pansin dapat sa pagpapakita ng attribution sa Adobe Stock sa sumusunod na format: "Powered by Adobe Stock" na naka-hyperlink sa <https://stock.adobe.com> (o sa pamalit na URL) at makikita ng Mga End User ng iyong Developer Software; at dapat mong ilagay ang sumusunod na disclaimer sa Developer Software: "This product uses the Adobe Stock [SDK and/or API], but is not certified, endorsed or sponsored by Adobe. (Ginagamit ng produktong ito ang Adobe Stock [SDK at/o API], pero hindi ito certified, ineendorso, o inii-sponsor ng Adobe.) [Your Name] is not affiliated with or related to Adobe. (Hindi affiliated o nauugnay sa Adobe ang/si [Pangalan Mo].)"

**17.7 Kalakalan at Advertising.** Bukod pa sa iyong mga obligasyon sa ilalim ng seksiyon 6.5 (Mga Kontrol sa Kalakalan), ang iyong pagpapakita ng Mga Likha sa Adobe Stock ay dapat sumunod sa lahat ng angkop na patakaran at regulasyon sa kalakalan at advertising.

**17.8 Pag-cache.** Hindi ka dapat mag-cache o magtabi ng anumang Likha sa Adobe Stock o iba pang data na nakuha sa pamamagitan ng mga Adobe Stock SDK o API nang lampas sa makatwirang oras, at hindi hihigit sa kailangan para mapagana ang Developer Software. Dapat mong i-refresh ang koleksiyon ng Mga Likha sa Adobe Stock at iba pang data na nakukuha sa pamamagitan ng mga Adobe Stock SDK o API nang hindi kukulangin sa isang beses bawat araw. Wala kaming responsibilidad para sa anumang paghahabol na magmumula sa pagpalya mong i-refresh ang koleksiyon ng Likha sa Adobe Stock.

**17.9 Machine Learning at Artificial Intelligence.** Hindi mo dapat gamitin ang mga Adobe Stock SDK o API o ang Mga Likha sa Adobe Stock o ang anumang titulo, impormasyon ng caption, keyword, o iba pang metadata na nauugnay sa Mga Likha sa Adobe Stock para sa anumang (a) mga layunin sa pagsasanay ng machine learning o artificial intelligence; o (b) mga teknolohiyang idinisenyo o inilaan para sa pagtukoy ng pagkakakilanlan ng mga likas na tao.

**17.10 Epekto ng Pagwawakas sa Mga Likha sa Adobe Stock.** Nang hindi nililimitahan ang seksiyon 14.3 (Epekto ng Pagwawakas), sa mas maaga sa pagwawakas ng Mga Tuntuning ito o kahilingan namin, dapat mong itigil kaagad ang lahat ng paggamit at alisin ang anumang bersiyon ng Mga Likha sa Adobe Stock sa iyong Developer Software na hindi pa nalilisensyahan mula sa amin. Hindi kami magkakaroon ng anumang pananagutan para sa mga paghahabol na nagmumula sa iyong paggamit ng lokal na nakatabing Likha sa Adobe Stock.

**17.11 Reserbasyon.** Puwede naming baguhin o ihinto ang mga Adobe Stock SDK o API, o ang paglilisensya o pag-download ng anumang Likha sa Adobe Stock anumang oras.

## **18. Mga Karagdagang Tuntunin para sa Adobe Typekit API**

**18.1 Mga Web Project para sa Mga Na-publish na Website.** Dapat kang gumamit ng Web Project (at hindi mo puwedeng gamitin ang Web Font Preview API o Web Open Font Format (WOFF)) para i-load ang Adobe Fonts para sa mga na-publish na website. Ang ibig sabihin ng "Web Project" ay ang software package na gagawin mo sa pamamagitan ng Adobe Fonts na binubuo ng mga gusto mong setting, mga napili mong font, format, style sheet, at iba pang code ng software, kasama ang anumang code na naka-wrap at tumutukoy sa bawat font.

**18.2 Pag-aakda sa Web.** Puwede lang gamitin ang Adobe Fonts para sa pag-aakda sa web ng content na naka-publish bilang HTML at may kasamang Web Project. Hindi mo maaaring i-convert o i-rasterize ang mga web font na inihahatid ng Adobe Fonts sa anumang format, gaya ng PDF o anumang graphics format.

## **19. Mga Karagdagang Tuntunin para sa Adobe Exchange.**

**19.1 Mga Bayarin at Bahagi ng Kita.** Para sa Developer Software na isinumite at ipinamahagi sa pamamagitan ng Adobe Exchange, babayaran ka namin alinsunod sa Mga Tuntuning ito at sa mga patakaran sa pagbabayad na kasalukuyang nasa <https://partners.adobe.com/exchange/program/creativecloud/support/ae-payment-policy.html> (o



sa pamalit na URL) (na sama-samang tinutukoy bilang “**Mga Patakarán sa Pagbabayad sa Adobe Exchange**”) para sa mga benta, hindi kasama ang mga pagkansela, pagsasauli, at refund.

**19.2 Pagsusumite ng Iyong Developer Software.** Ang bersiyon ng iyong Developer Software na isusumite mo sa pamamagitan ng Adobe Exchange ay dapat sumunod sa aming kasalukuyang Mga Alituntunin sa Pagsusumite at dapat sumailalim sa sarili mong pagsusuri para sa quality assurance. Ang mga kinakailangan sa pag-apruba sa seksiyon 5.1 (Pag-apruba ng Adobe) ay sumasaklaw sa iyong Developer Software at puwede naming tanggapin o tanggihan ang iyong Developer Software sa aming sariling pagpapasya. Maaaring mag-alis ang Adobe ng Developer Software mula sa Adobe Exchange anumang oras nang may anumang dahilan nang walang pananagutan sa iyo.

## **20. Mga Karagdagang Tuntunin para sa Document Cloud.**

**20.1 Mga Pangkalahatang Tuntunin para sa Document Cloud.** Sumasaklaw lang ang mga sumusunod na tuntunin sa PDF Embed API, PDF Services API, Adobe Acrobat Sign API, at Acrobat SDK (na sama-samang tinutukoy bilang, “Mga Document Cloud SDK o API”):

(A) **Mga Limitasyon sa Paggamit.** Nagtatakda at nagpapatupad kami ng mga limitasyon sa paggamit sa iyong pag-access at paggamit ng Mga Document Cloud SDK o API. Sang-ayon ka, at hindi mo tatangkaing iwasan, ang mga nasabing limitasyong naisadokumento sa website ng Adobe I/O sa <https://www.adobe.io>. Kung gusto mong gumamit ng anumang Document Cloud SDK o API na lampas sa mga limitasyong ito, dapat mong kunin ang aming hayagang pahintulot, at sa ganitong sitwasyon, maaari naming tanggihan ang nasabing kahilingan o ibatay ang pagtanggap sa kundisyon na sasang-ayon ka sa mga karagdagang tuntunin o singil (o pareho) para sa paggamit na iyon. Para sa ganitong kahilingan, makipag-ugnayan sa marketing at sales team ng Adobe Document Services o sa marketing at sales team ng Acrobat Sign para sa iba pang impormasyon.

(B) **Pagsubaybay sa Content at Paggamit.** Tinatanggap at sinasang-ayunan mo na maaari kaming mangolekta ng impormasyon tungkol sa iyong content at paggamit ng mga Document Cloud SDK o API, kasama na ang personal na impormasyon, at maaari naming gamitin ang nasabing impormasyon para mapanatili ang seguridad, masubaybayan ang performance, at mapaganda ang kalidad ng iniaalok na Mga Document Cloud SDK o API.

(C) **Kasunduan sa Lisensya ng End User o Mga Tuntunin ng Serbisyo.** Ang paggamit ng iba pang Adobe Software o Mga Serbisyo ng Adobe ay napapailalim sa angkop na kasunduan sa lisensya ng end user o mga tuntunin ng serbisyo para sa iniaalok na Adobe Software o Mga Serbisyo ng Adobe, kahit na ibinigay sa iyo ang nasabing iba pang Adobe Software o Mga Serbisyo ng Adobe kaugnay ng Mga Tuntuning ito.

**20.2 PDF Embed API.** Ang mga sumusunod na tuntunin ay sumasaklaw lang sa PDF Embed API:

(A) **Proseso ng Pag-apruba.** Malaya kang gawing komersiyal na available ang Developer Software nang hindi sumasailalim sa proseso ng pag-apruba na inilalarawan sa seksiyon 5.1 (Pag-apruba ng Adobe). Sa kabila nito, gagawin mong available ang Developer Software para sa pagsusuri kapag hiniling namin at tutulong ka sa aming pagsusuri.

(B) **Pagsubaybay sa Paggamit ng PDF Embed API.** Maaari naming subaybayan ang iyong paggamit ng PDF Embed API sa kabuuan (hal., kung aling mga functionality ang ginagamit mo sa isang API mula sa PDF Embed API). Kapag isa ka ring subscriber ng Adobe Analytics, ang aming pagsubaybay sa iba pang data ng paggamit ay pinamamahalaan ng angkop na kasunduan para sa Adobe Analytics.

(C) **Attribution.** Ang iyong Developer Software ay malinaw at kapansin-pansin dapat sa pagpapakita ng attribution sa Adobe Document Cloud sa sumusunod na format: “Powered by Adobe Document Cloud” na naka-hyperlink sa <http://acrobat.adobe.com> at nakikita ng Mga End User ng iyong Developer Software.

**20.3 PDF Services API.** Ang mga sumusunod na tuntunin ay sumasaklaw lang sa PDF Services API:

(A) **Proseso ng Pag-apruba.** Hangga’t sumusunod ka sa quota at mga limitasyon sa paggamit para sa Libreng Tier na available sa [www.adobe.com/go/dcsdk\\_doc\\_services\\_meter](http://www.adobe.com/go/dcsdk_doc_services_meter) (o sa pamalit na URL), malaya kang gawing komersiyal na available ang Developer Software nang mayroon lang mga panloob na layuning pangnegosyo nang hindi kailangang sumailalim sa proseso ng pag-apruba na nakabalangkas sa seksiyon 5.1 (Pag-apruba ng Adobe).

Kung gusto mong ibenta, ipamahagi, ialok, o kaya naman ay gawing komersiyal na available ang Developer Software na idinisenyo para gumana sa Mga API ng PDF Services API (1) sa mas mataas na quota, o (2) sa paraang lampas sa mga ibinigay na limitasyon sa paggamit ng Libreng Tier, kailangan namin ng pag-apruba ng iyong Developer Software, na posibleng matugunan kapag kumuha ka ng lisensya sa produksiyon mula sa amin sa pamamagitan ng hiwalay na nakasulat na kasunduan. Sa kabila ng anumang taliwas sa seksiyong ito, maaari pa rin naming hilingin sa iyo na gawing available ang iyong Developer Software para sa pagsusuri kapag hiniling namin at tinatanggap mo at sang-ayon kang makipagtulungan sa aming pagsusuri.

(B) **Attribution.** Ang iyong Developer Software ay malinaw at kapansin-pansin dapat sa pagpapakita ng attribution sa Adobe Document Cloud sa sumusunod na format: "Powered by Adobe Document Cloud" na naka-hyperlink sa <http://acrobat.adobe.com> at nakikita ng Mga End User ng iyong Developer Software.

20.4 **Adobe Acrobat Sign API.** Ang mga sumusunod na tuntunin ay sumasaklaw lang sa Acrobat Sign API:

(A) **Signature.** Hindi mo bibigyang-daan at hindi mo maaaring bigyang-daan ang anumang third party na baguhin, palitan, o subukang i-validate ang anumang functionality o kakayahan sa pag-validate ng digital signature ng anumang serbisyo sa electronic signature ng Adobe nang hindi muna kumukuha ng nakasulat na pag-apruba mula sa amin.

(B) Hindi mo maaaring isama ang feature na Bulk Sign sa Developer Software.

(C) Dapat kang pumasok sa hiwalay na nakasulat na kasunduan sa amin kung gusto mong magbenta, mamahagi, o mag-alok ng Developer Software na idinisenyo para gumana sa Acrobat Sign API.

(D) **Attribution.** Ang iyong Developer Software ay malinaw at kapansin-pansin dapat sa pagpapakita ng attribution sa Acrobat Sign API sa sumusunod na format: "Powered by Adobe Acrobat Sign" na naka-hyperlink sa [https://www.adobe.com/ph\\_fil/sign.html](https://www.adobe.com/ph_fil/sign.html) at nakikita ng Mga End User ng iyong Developer Software.

20.5 **Acrobat SDK.** Ang mga sumusunod na tuntunin ay sumasaklaw lang sa Acrobat SDK:

(A) Hindi mo dapat gamitin ang Acrobat SDK para gumawa, mag-develop, o gumamit ng anumang program, software, o serbisyo na:

(1) puwedeng makipag-ugnayan sa mga produkto ng Adobe Reader at magbago o mag-save ng PDF document (kasama na ang pag-save ng anumang pagbabago sa hiwalay na file para sa mga nasabing dokumento);

(2) naglalantad ng impormasyon ng header file;

(3) gumagana bilang plug-in sa mga produkto ng Adobe Reader (maliban kung partikular na nilisensyahan para gawin ito);

(4) nagpapabago sa mga pahintulot o karapatan sa isang PDF document, kasama na ang, pero hindi limitado sa, paglabag sa mga karapatan sa pag-access na tinukoy para sa isang PDF document, gaya ng pagbubukas ng mga naka-encrypt na PDF document nang walang awtorisadong kaalaman sa mga password ng PDF document;

(5) nagpapabago sa mga kakayahan ng Adobe Acrobat software nang walang nakasulat na pag-apruba mula sa Adobe, kasama nang walang limitasyon ang pagbabago sa functionality ng pag-validate ng e-signature; o kaya ay

(6) nagbibigay-daan sa mga produkto ng Adobe Acrobat na gumana sa isang server.

## 21. Mga Karagdagang Tuntunin para sa Mga Lisensyadong Font.

### 21.1 Mga Kahulugan.

(A) Ang ibig sabihin ng "I-embed" o "Naka-embed" ay secure na isasama ang Mga Lisensyadong Font sa Developer Software para lang mabigyang-daan ang Mga End User na makita ang Mga Lisensyadong Font na naka-display gaya ng nilalayan sa Developer Software.

(B) Ang ibig sabihin ng **"Mga Lisensyadong Font"** ay ang mga font (kasama na ang Adobe Clean, Adobe Clean UX, Adobe Clean Variable, Adobe Clean UX Variable, at Adobe Clean Han) na nililisensyahan namin sa iyo para lang magdisenyo, mag-develop, at mamahagi ng mga user interface sa Developer Software.

21.2 **Limitadong Lisensya.** Binibigyan ka namin ng lisensyang di-eksklusibo, pandaigdigang, di-naililipat, at limitado para lang (A) magamit ang mga hindi binagong Lisensyadong Font para idisenyo at i-develop ang Developer Software at nang walang iba pang software; (B) I-embed ang mga hindi binagong Lisensyadong Font sa Developer Software; at (C) ipamahagi at ipakita sa publiko ang Mga Lisensyadong Font na Naka-embed sa Developer Software para mabigyang-daan ang Mga End User na tingnan ang Mga Lisensyadong Font gaya ng nilalayan sa user interface ng Developer Software.

21.3 **Mga Kinakailangan.** Kung ibibigay namin sa iyo ang Mga Lisensyadong Font sa Web Open Font Format ("WOFF"), dapat mong gamitin ang WOFF na bersiyon ng Mga Lisensyadong Font sa mga web-based na bersiyon ng Developer Software at hindi ang OpenType font format ("OTF") na bersiyon ng Mga Lisensyadong Font.

21.4 **Mga Paghihigpit at Obligasyon.**

(A) Pinagbabawalan kang gamitin ang Mga Lisensyadong Font sa anumang paraang hindi hayagang pinahihintulutan sa Mga Tuntuning ito.

(B) Hindi maaaring maglamang ang iyong Developer Software ng functionality na nagpapahintulot sa pag-export ng Mga Lisensyadong Font. Hindi mo maaaring ipamahagi ang anumang bahagi ng Mga Lisensyadong Font nang nakahiwalay o sa anumang paraang magbibigay-daan sa kahit sino na gamitin ang Mga Lisensyadong Font.

(C) Hindi ka maaaring magdagdag ng anumang functionality sa, o kaya naman ay baguhin, ibahin, iakma, isalin, i-convert, i-modify, gawin, o gawan o pagawan ng anumang paghango sa kahit anong bahagi ng Mga Lisensyadong Font.

(D) Hindi mo maaaring itala, parentahan, paupahan, ipahiram, i-trade, i-sublicense, o kaya naman ay ilipat ang mga lisensyang ibinigay sa iyo sa Mga Tuntuning ito.

(E) Hindi mo maaaring ibahagi ang iyong access sa Mga Lisensyadong Font o gawing available ang Mga Lisensyadong Font sa isang server na nagbibigay-daan para magamit ang Mga Lisensyadong Font nang sabay-sabay sa mahigit isang computer.

(F) Hindi mo maaaring gamitin ang Mga Lisensyadong Font para mag-render, mag-manufacture, o mag-capture ng mga glyph, sa kabuuan o sa ilang bahagi, para gamitin bilang font o typesetting system.

(G) Hindi mo maaaring i-disassemble, i-decompile, i-reverse engineer, o kaya naman ay tangkaing tuklasin ang source code ng Mga Lisensyadong Font, o talunin, lusutan, o kaya naman ay iwasan ang anumang mekanismo ng proteksiyon ng software sa Mga Lisensyadong Font, maliban kung ang nabanggit na paghihigpit ay ipinagbabawal ng angkop na batas. Hindi mo puwedeng i-unbundle o i-repackage ang mga component na bahagi ng Mga Lisensyadong Font para sa pamamahagi, paglilipat, o muling pagbebenta.

(H) Ang Mga Lisensyadong Font ay maaaring maglamang ng mga abiso sa pagmamay-ari, kasama na ang mga abiso sa patent, copyright, at trademark. Dapat mong panatilihin nang eksakto tulad ng kung paano ibinigay (at hindi alisin o baguhin) ang lahat ng nasabing abiso sa pagmamay-ari na ipinapakita sa Mga Lisensyadong Font.

21.5 **Pagpapatuloy ng Access sa Mga Lisensyadong Font.** Ang patuloy na pag-access sa Mga Lisensyadong Font ay maaaring mangailangan ng paulit-ulit na koneksiyon sa internet para magamit ang Mga Lisensyadong Font, o para pahintulutan, i-renew, o i-validate ang iyong access sa Mga Lisensyadong Font.

## 22. **Mga Karagdagang Tuntunin para lang sa Substance SDK.**

22.1 Sa kabila ng seksiyon 4.1(A)(2) (Lisensya sa Iyo), ang karapatan mong ipamahagi ang Substance SDK ay limitado lang sa pamamahagi ng Substance Engine. Ang ibig sabihin ng **"Substance Engine"** ay ang mga dynamic library na nasa folder na "bin" ng Substance SDK.

## **23. Mga Karagdagang Tuntunin para sa Developer Mode ng Adobe Express Add-on Marketplace.**

**23.1 Mga Third-Party na Processor ng Pagbabayad.** Maaari kang gumamit ng mga third-party na processor ng pagbabayad para mapadali ang mga pagbili ng Developer Software na ipinamamahagi sa pamamagitan ng Adobe Express Add-on Marketplace. Ang anumang pagbili ng Development Software na pinangangasiwaan ng mga nasabing third-party na processor ng pagbabayad ay dapat mangyari sa labas ng Adobe Express. Dagdag pa rito, tinatanggap at sinasang-ayunan mo na wala kaming pananagutan para sa anumang di-pagkakaunawaang may kinalaman sa mga nauugnay na transaksyon ng pagbabayad.

## **24. Mga Karagdagang Tuntunin para sa Express Embed SDK**

**24.1** Ikaw ay sumasang-ayong isumite ang iyong iminumungkahing integration ng Express Embed SDK para sa pag-apruba bago ito gawing available sa publiko, at sumunod sa mga alituntuning makikita sa <https://www.adobe.com/go/embed-sdk-review> (o sa pamalit na URL). Kung angkop, nakalaan sa Adobe ang karapatang magpakita ng paunawa sa iyong mga end user na hindi naaprubahan ang karanasang pinagagana ng Adobe Express.